


Ekonomia azul sei sai hanesan baze ba dezenvolvimentu sustentável Timor-Leste nian

Ha'u-Nia Tasi, Ha'u-Nia Timor



Governu Timor-Leste empenhadu atu proteje nia ekosistema mariñu sira ne'ebé ema seidauk book no atu hakbiit komunidade sira ho ekonomia di'ak ida ba natureza, hodi garante futuru ne'ebé di'ak liu ba hotu-hotu.

Timor-Leste, nasaun insulár ki'ik ida iha Sudeste Aziátiku, situa iha loos Triângulu Korál klaran no hanesan uma ba biodiversidade mariña ne'ebé furak tebe-tebes. Ekosistemas mariñus Timor-Leste nian ne'e ema rekoñese internasionálmente tanba ninia importánsia ekolójika no tanba simu no halibur espésies mariñas lubun boot ida, inklui:

1. Setáseus:

30 husi 90 espésies setáseus iha mundu ita bele hetan iha Timor-Leste nia bee sira. Iha-ne'e inklui baleias ho ulun hanesan melaun, baleias-pilotu, golfiñus-rotadores, orkas ho kaxalotes, no mós espésies migratórias, inklui baleias-azuis pigmeias.

2. Ahu-ruin ho espésies ikan resife nian:

Bee sira iha Timor iha maisde 1.200 espésies ikan resife nian no 400 espésies korais nebé forma resife, inklui área resifes korál nian ida ho 350 km² iha Parke Nasionál Nino Konis Santana ho 98 km² hadulas Illa Ataúru.

3. Espésies únikas no foun ne'ebé foin hetan:

Ita kontinua identifika espésies foun no raras iha bee sira iha Timor-Leste, ne'ebé destaka poténsial boot rekursu mariñu ne'e nian, barak mak seidauk explora, ba avansu siénsia oseánika no ba kompreensaun kona-ba ekosistema mariñu globál.

Hahú hosi nia restaurasaun independénsia, to'o 20 Maiu 2002, Timor-Leste halo ona progresus boot iha tranzisaun husi frajilidade ba reziliénsia, hodi nune'e hamriik hanesan país ida ne'ebé pasífiku, livre ho demokrátiku, ho ekonomia aberta no iha kreximentu. Esforsus iha dezenvolvimentu nasionál inklui harii ekonomia ida ne'ebé sustentável. Planu

Estratéjiku Dezenvolvimentu 2011-2030 hatudu ona dalan atu la'o tuir, ho nia vizaun sei konkretiza mós liuhosi promosaun ekonomia azul, no liuhosi solusoens ekonómikas ne'ebé bazeia ba natureza.

Povu Timor iha relasaun ida ne'ebé ho abut metin iha oseanu, ne'ebé ita bele haree husi istória kona-ba orijen país ne'e nian ne'ebé timoroan sira mak hanesan "lafaek nia beioan". Komunidade sira hatudu ona reziliénsia iha protesau ba oseanu, maski hasoru dezafius oiin husi dezenvolvimentu umanu no tanba alterasoens klimátikas.

Governu Timor-Leste empenhadu atu harii ekonomia oseánika ida ne'ebé sustentável hanesan baze ba futuru nasaun nian. Atu atinje objetivu ne'e, dezenvolvimentu ekonomia azul Primeiru-Ministru mak lidera hela, ho apoiu husi Gabinete Fronteiras Terrestres no Marítimas, liuhosi iniciativas lubun ida, programas no polítikas ekonómikas positivas ba natureza.





Governu komprometidu ona ho utilizaun sustentável rekursus mariñus no ho maksimizaun setores ekonómikus ne'ebé bazeia iha oseanu, liuhosi medidas sira hanesan tuirmai:

- 1. Preparasaun Polítika ho Planu Asaun ba Ekonomia Azul,** hodi fornese estratéjia abranjente ida ne'ebé orienta dezenvolvimentu ekonómiku sustentável, ho baze iha rekursus mariñus Timor-Leste nian.
- 2. Konservasaun Oseánika:** iha liña ho Kuadru Global Kunming-Montreal, 30% husi áreas mariñas Timor-Leste nian sei halo konservasaun to'o 2030. Ne'e sei inklui restaurasaun ho expansaun mangais hanesan barreiras naturais hasoru alterasoens klimátikas no hanesan bersu ba vida mariña, konservasaun ahu-ruin no protesau ba be'e importante tebes ba biodiversidade mariña Timor-Leste nian.
- 3. Estabelesimentu Parke Mariñu Nasionál ida iha Ataúru,** atu proteje nia biodiversidade mariña ne'ebé riku tebe-tebes ho resifes tropikais, hodi apoia dezenvolvimentu ekonómiku pozitivu ba natureza, no loke empregu ho oportunidade ba comunidade local sira.
- 4. Kriasaun Sentru Edukasaun Mariña ida iha Illa Ataúru,** hodi konta istória ambiente mariñu notável Timor-Leste nian, apoia dezenvolvimentu ekonomia azul no defende direitus soberanus ho jurisdisaun Timor-Leste kona-ba nia tasi sira.
- 5. Akuakultura no Peska Sustentável:** Maski práttikas peska ho eskala ki'ik no tradicional kontinua barak nafatin, Timor-Leste dezenvolve hela práttikas peska sustentáveis tuir padroens internasionais, liuliu Kódigu Konduta ba Peska Responsável husi FAO. Expansaun akuakultura sei apoia seguransa alimentár ho kreximentu ekonómiku sustentável.

- 6. Ekoturizmu mariñu:** Timor-Leste sei kontinua dezenvolve nia setór turizmu mariñu, ne'ebé sei sai determinante ba diversifikasaun ekonomia timornian.
- 7. Produsaun Masin:** Timor-Leste prodúz masin uitoan, bá de'it konsumu lokál. Indústria ida-ne'e sei habelar ho téknikas produsaun ne'ebé hadi'a ho explorasaun merkadus exportasaun.
- 8. Kultivu no Produsaun Algas:** Indústria husi kultivu algas hanesan setór promisor (kata fô esperansa) ho kbiit atu kontribui barak tebes ba meus subsisténsia lokais. Setór ne'e iha potenciál kreximentu boot, liuliu iha merkadus internasionais ne'ebé produsus hanesan algas ema buka barak.
- 9. Expansaun áreas mariñas protejidas iha Parke Nasionál Nino Konis Santana,** hodi proteje habitats kriticus.
- 10. Restaurasaun ho expansaun florestas mangais,** ne'ebé dezempeña papél vitál iha protesaun kosteira, iha sequestru (ka retensaun) karbonu no iha biodiversidade.
- 11. Dezenvolvimentu ordenamentu espaciál mariñu,** hodi jere didi'ak diferentes uzus husi oseanu, inklui peska, kontrolu poluisaun mariña, áreas mariñas protejidas, turizmu ho investigasaun científica.

TIMOR-LESTE NIA RETRATU

- Populasaun: 1,3 milloens
- Área: 15,410 km²
- Situadu iha sentru Triángulu Korál no iha Hotspot Wallaceano
- Serve hanesan rota migratória importante, fatin reproduusaun no área bersáriu ba megafauna mariña lubun boot ida, inklui megafauna mariña ne'ebé boot lahalimar, ho baleias boot, tubaroens pelájikus, tartarugas mariñas ho baleia-azul ne'ebé ladún barak.